

取  
學  
軒  
叢  
書

008

Z12  
102

聚學軒叢書第四集第十

巛	石	括
卍	志	蒼
巛	補	金

栝蒼於兩浙列郡中最號僻遠歷代文獻闕如然循吏  
名人已著聞於唐代迄於兩宋不惟郡邑多賢守令且  
科第仕宦稱盛一時理學經濟義行逸品旁及仙釋者  
流所在多有卽明祖所稱四先生者栝居其三焉是知  
人傑地靈流風未艾而金石遺文或聽其日銷月爍載  
籍無稽豈惟不錄范公之規行通濟而良法漸亡不詳  
葉守之奏免浮財而苦心盡沒哉在昔阮文達公修兩  
浙金石志於栝僅登二十八種後李金瀾廣文輯栝蒼  
正續志復搜得一百四十種亦云備矣吾邑鄒殷甫教  
授嗜古博學方秉鐸青田時從公之餘輒絕幽鑿險博  
采窮搜不遺餘力嘗就李志校補各條如謝康樂石門

山詩刻尙有閒刻唐人和詩十六字王徵石門詩刻增補四十五字劉涇崇道觀慕仙銘備載銘語知章不克並非姓名王重小蓬萊歌並錄歌詞知黃帝祠宇下有脫漏自跋云名山石刻非親歷搜剔不能無憾抱殘守缺亥豕多訛誠哉閱歷之談視前人益精審矣君於前人屐齒未到處爬羅剔抉又得五十餘種因自著補遺四卷引證確而題跋精其中修文宣王廟記四十二字存者少缺者多窪尊銘二十字存者多缺者少其他磨崖題名詩歌碑記以至鐘瓦銅權或完或蝕悉薈萃以成書而於文宣王廟記之新上元初暘谷題名之光月各有訖釋石門洞趙繻紀游字蹟自來金石家所未收

君始得拓本賦詩以紀豈不可謂千古之墨寶歟阮李  
之志補缺訂訛卽謂後來居上當無愧色矣光緒癸未  
中元後二日閩莊吳敦序



栝蒼金石志補遺凡例

一是編體例悉依正續兩志每錄全篇後亦附跋末學自慚膚受何敢問津因嗜古有癖不揣鄙陋各綴數語幸祈 大雅正之

一正續兩志所輯鐘碑廣圍大小皆注明尺寸其尺之長短以金石萃編所用爲準按萃編用漢建初慮僂尺今改用工部營造尺稍參變例

一碑有提行或擡寫或空格及行字少而版幅可容者悉依原式縮本著錄字多者則於每行盡處用小畫識之

一正續兩志所輯各刻以無紀元可考者概附卷末



今以無紀元而其人有可考者附各朝後以寓器  
以人傳之意

一晉梁隸字以及唐宋元篆書均照原文摹入

一卷首古磚卷末銅權非同鐘碑重滯其易於流轉  
者似不應列第俱出土處州並非攜自外郡概宜  
編輯以廣見聞

栝蒼金石志補遺目錄

卷一 西晉 梁 唐 宋一

永康磚 永康元年

太安磚 太安二年

陳方二磚

天監磚 天監元年

李陽冰修文宣王廟記殘字 上元二年

李陽冰窪尊銘 寶應 廣德

高元和等初暘谷題名 建中元年

李蕃阮客舊居詩刻 建中

杜光庭題張素華瑩石刻

沈紳石門洞摩崖殘刻二段 嘉祐五年 七年

趙縉石門洞題崖 治平四年

趙縉石門洞詩刻 同前

王伯敷初暘谷題名 熙甯四年

季平仲觀音崖題字 元豐四年

劉涇籠空巖詩刻 紹聖三年

劉長卿初暘谷摩崖 宣和五年

卷二 宋二

縉雲縣城隍廟祈雨記 建炎元年

沈夫人繡經記 紹興

黃公度石筍山題崖二段 紹興

龍泉縣學鐘款 紹興九年

集福教寺鐘銘 紹興二十五年

鄭知微祠堂記 紹興三十年

項舉之墓誌銘 乾道五年

混元峯摩崖 淳熙十六年

祝聖放生池碑 紹熙三年

陳中書舍人希點神道碑 嘉定三年

林端墓碣 嘉定四年

卷三 宋三

甘泉惠應廟尙書省牒碑 嘉定八年

慈相寺鐘款 嘉定十七年

銅鉢殿石鑪款識殘字 嘉熙四年

景甯縣城隍廟鐵鐘款識 淳祐七年

清修寺鐵鐘款識 景定元年

顯應廟神封廣惠侯尙書敕符碑 景定五年

林子方等仙都山題記 咸淳元年

何侯廟磚 咸淳二年

陳本卿小蓬萊題記 咸淳七年

宏農楊氏捨田記 祥興元年

楊遵九宣義捨田數 祥興元年

鄭汝諧中天巖摩崖五則

卷四 元一

崇因寺鐵鑪款識

大德十一年

普覺寺鐵鑪款識

延祐四年

知稼亭記

泰定二年

鄭原善石門洞詩刻題崖二段

泰定四年

迺惠廟殘碑

至順二年

豫章徐氏從志祠記

至順二年

陳吉傳題鐘款識

至順三年

景甯縣五顯廟鐵鑪款識

至順四年卽元統元年

陳自奕天梯嶺題記

至順四年卽元統元年

李光石門洞摩崖

後至元四年

永思菴碑

至正五年

朱氏義陽祠宇記 至正九年

寶定村新街社廟石鑪款識 至正十年

單主簿祈雨感應記 至正十四年

縉雲縣學題名碑

龍鳳權 吳龍鳳十一年實元至正二十五年

麗水王宗訓式之許一鈞兩亭同參校

栝蒼金石志補遺卷一

聚學軒叢書第四集

海昌鄒柏森輯

貴池劉世珩校刊

西晉

永康磚

磚已缺泐僅存半段字  
大小不等正書左文

永康六年八月廿一日

右磚在麗水縣溪南上步農家牆中為許雨亭上  
舍所得按永康年號有五一漢桓帝志一晉惠帝



衷以及後燕慕容寶西秦乞伏熾磐劉宋柔然子  
成攷處州分野在斗本禹貢揚州域春秋戰國時  
屬越越亡屬楚秦始皇五年滅楚以其地爲閩中  
郡漢初越王之後閩越君瑤率越人從諸侯滅秦  
又佐漢擊楚孝惠三年立搖爲東海王都東甌是  
爲東甌國武帝時閩越圍東甌東甌王望率眾降  
漢帝以其地遐阻難撫徙其民於江淮閒其地遂  
空後遺民始出乃以其地爲涸浦縣屬會稽郡東  
漢光武時改章安縣順帝分永甯縣獻帝分松陽  
縣三國吳赤烏二年分永甯爲羅陽縣孫亮太平  
二年兼屬臨海郡晉太甯元年又分臨海立永甯